

Elmar Gate hayando otro rumbo

ORANJESTAD.(AAN): E casonan relaciona cu "Ready Kilowatt Gate" cu ultimo simannan a lanta cabez a tuma un otro rumbo. Segun informe-- a base di denuncianan entrega di gerencia di Elmar lo a keda deteni un muher di inicial J.

Parce cu e muher segun sospechoso lo ta coordina e asunto di supuesto reduccion di coriente pa un homber-- aparentemente un tal F. Manera ta conoci cantidad grandi di casnan di famia y tambe empresa-- segun Elmar-- lo a usa formula pa re-

duci coriente. No por papia di hortamento di coriente segun experto a duna di conoce. Aki por deduci cu systema di Elmar a laga di desea. Tin cantidad grandi di percela, negoshi, establecimiento cu no ta haya ni bishita di

Elmar pa controla nan coriente. Pa medio di calculo ta wordo cobra pa final di cuenta sea nan ta dal bo duro of bo ta paga hopi menos. Den nan propio systema tin empleado a konkel cu cori-

ente sin cu esaki a wordo denuncia, aparentemente ora lo ta trata di famia di gerencia involbi, posiblemente nan lo ta ladron "rafina" pero otro nan si a perde nan trabao segun den propio seno a wordo comenta.

Banco Central a dicidi despues di a consulta cu e Asociacion di Bankeronan Arubano:

Banco lo limita e crecemento di credito total te na 6 % pa 2004

ORANJESTAD (AAN) -- Segun informacion cu DIARIO a ricibi for di Banco Central di Aruba, durante e ultimo dos aña, credito di e banconan comercial a crece excesivamente, esta cu 13 por ciento na 2002 y despues cu casi 11 por ciento durante e prome dies luna di 2003.

E crecemento a sobrepasa claramente e normanan stipula pa Banco Central di Aruba (Banco Central) of 7 por ciento den cuadro di e maneho monetario pa e aña actual. E desaroyo aki ta un preocupacion pa Banco Central. Na final di cuenta, e expansion continuo den credito ta bolbe stimula iritacion y ta pone presion adicional riba e reservacion oficial di divisa.

Pa preserva estabilidad financiero, e aumento den credito no por sigui na e forma actual, y mester wordo treci mas den liña cu e crecemento potencial riba termino largo di e

economia, teniendo na cuenta e inflacion autonomo anticipa importa. Ta pesey mes, y basa riba articulo 12 paragraf 1 di e Ordenanza di Supervision di e Sistema di Credito Banco Central, despues di a consulta cu e Asociacion di Bankeronan Arubano, a dicidi pa limita e

crecemento di credito total te na 6 por ciento pa 2004. Pa stimula e banconan pa di awor en adelante mantene un maneho di credito cauteloso, un multa di 6 por ciento (riba base actual) lo wordo cobra na e banconan individual cu a causa un exceso den e credito total. E facilidad pa crea espa-

cio adicional di credito door di atrae fondonan for di exterior lo keda na vigor. E areglonan pa cu e asina yama "B9-position", e reserva di likidez monetario obligatorio sin interes y e interes cu e banconan comercial mester paga si no cumpli cu e ultimo aki, tambe lo keda mescos.

Mientras tanto, Banco Central lo continua cu su esfuersonan pa desaroya instrumentonan di maneho monetario cu ta mas orienta riba mercado, entre otro door di promove e benta di e Certificadonan di Banco central introduci recientemente.

CAREDA DI CONEU A CUMINSA!!



Homber maltrata

ORANJESTAD.(AAN): Marduga den Bernard straat un homber inicial H.A.F. di 56 aña a wordo maltrata. Segun H.A.F. su version un homber cual e por reconoce pa cara a maltrate. Polis a observa cu e denunciante su cara tabata hincha y tambe tur na sanger. E caso tin pleno atencion.

E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM